

Այնամայր

„Արեւայր“

Հ ՈՒ Ս Ա Դ Ր Ո Ղ Ս Կ Ի Ջ Բ

Օրերս անցկացվեց Տաշիրի մանկապատանեկան մարզական դպրոցի բոնցքամարտի խմբերի անդրանիկ առաջնությունը: Անհրաժեշտ է նշել, որ այդ մարզաձևը շրջանում հիմնադրվել է արևդամենը մեկ տարի առաջ:

Երիտասարդ մարզիչներ, սպորտի վարպետներ Հովիկ Սաքանյանի և Արմեն Դիլբարյանի ջանքերով ձևավորվել

ՄԱՐԶԱԿԱՆ ԿՅԱՆՔ

են բոնցքամարտի 4 խմբեր՝ շուրջ 100 մարզիկներով: Կարճ ժամանակամիջոցում մարզիչները ձեռնամուխ եղան գույքի ձեռքբերմանը և մարզիկներին տեխնիկա — տակտիկական հնարքների ուսուցմանը: Նրանց ջանադիր աշխատանքի շնորհիվ այսօր մեր պատանի մարզիկները տիրապետում են մարզաձևի գաղտնիքներին, որը պարզորոշ երևաց մրցումների ժամանակ:

Շրջանային ՆԳ բաժնի մար-

զադահլիճում երկու օր շարունակ իրենց ուժերը չափեցին տարբեր քաշային կարգերի 52 մարզիկներ: Նրանք բոլորն էլ գործում էին կարգապահ, բռնցքամարտիկին վայել պահվածքով: Ըստ քաշային կարգերի հաղթողներ դարձան Օթար Սուլեյմանովը (28), Ռոբերտ Մուրադյանը (30), Սերոբ Դիլբարյանը (34), Գոռ Անտոնյանը (36), Նվեր Սուքիասյանը (38), Արգամ Մովսիսյանը (40), Ահարոն Մարդրսյանը (42), Արթուր Մինասյանը (44), Արթուր Ղուկեյանը (46), Արթուր Աբգարյանը (50), Արմեն Նազարյանը (52), Կարեն Շահվերդյանը (54), Արսեն Զազյանը (57), Էդուարդ Մուրադյանը (60), Արտակ Խաչատրյանը (63), Հովսեփ Մակալյանը (66), Սեյրան Բարոյանը (74):

Անհրաժեշտ է նշել, որ եզրափակիչ դուրս եկած մարզիկներին հաղթանակները հեշտությամբ շէին տրվում: Ինչխոսք, մեր ունեցած շենքային

պայմանները, մարզադահլիճը, շեն համապատասխանում ժամանակի պահանջներին: Առավել լավ ցուցանիշներ կունենայինք, եթե կարողանայինք ստեղծել բավարար պայմաններ:

Մրցումները ապահովված էին բժշկական անձնակազմով: Մարզադպրոցի ղեկավարությունը լավ էր նախապատրաստել ստուգատեսային այդ միջոցառմանը: Հաղթող մարզիկները պարգևատրվեցին շրջանային սպորտկոմիտեի կողմից սահմանված հուշանվերներով և պատվոգրերով:

Բոնցքամարտի շրջանի հավաքականը նախապատրաստվում է առաջիկայում բնկերական հանդիպումների ծրագրով հանդես գալու Գյումրի և Կիրովական քաղաքներում: Մեր թիմի մրցակիցները կլինեն այդ քաղաքների մարզադպրոցների պատանի բոնցքամարտիկները:

Մ. ԱՎԵՏԻՍՅԱՆ